



下亥晴雲十首



誠一郎再拜

早稲田大学図書館

文書 27

E 73



八月十二日。予以避暑清暇。挈妻家兒遊伊香保途中記所見。

我家去年人皆病。今年我家人悉痊。官例避暑賜清暇。豈可不遊。八月天維。十二日晨。沿林裝却。妻提子意。欣然出門。直向上野去。人家昧且未起。眠。笛鳴。兮人蟻聚。車輪奔。駛漲。煤煙紅。日一竿。朝露涼。風掃。秋香。井。田宿霧漸散。山遠。現赤城。巖巖並。呈妍。鴻葉。熊。一瞬過。本庄。忽到高崎邊。鐵路盡。時達。既橋。臨線。樓。上午餐。傳香山。自是。僱人力。幌車。幾輛。追。後先。鐵車疾。如離弦。箭。人車。遲似。逆潮。船。夾塵。撲面。紅于。

火纔存一息渴飲顛晚投香山氣清爽上方下界分
允仙笑顧妻孥皆無恙顏色與山相對鮮

去年妹保科氏携二子孝一貞二自永澤來視

母病行程七十五里二晝夜而達東京實八

十二日也自來子親湯藥者病不懈母病後常妹亦

歸國今歲余以是日適遊伊香保乃賦此篇以寄

阿妹云

阿妹至孝出天性遠聞母病中心驚投梭下機起上

道提携二子孝與貞山河四百八十里并夜與畫二

日程及來視母母在蓐相見無言淚交傾自來侍母

起上道三字及之荷

共寢食豈無天地感至誠母日後常喜勿藥容顏如
玉神氣平然後携兒歸故里營食織衣家計成阿妹
真是女丈夫噫我應愧為汝兄去年迎妹正今日今
年我向香山行長女在家代色養阿妹念母莫勞
情

贈弟小森澤君玉

君玉仰著奉職海軍省前後十有五其勤勞

盡瘁自屬僚累遷大書記官叙從五位轉

任參事院議官備海軍部法制局勲四等

旭日章可謂勲勞偉矣乙酉冬政府革制參事

丙續燠然

院養為君玉非職官君玉年強志力寧會以爲
朝廷用人必擇其才不復原職但解此清
暇未遊香山與余同養身體心神以供他日
之用因賦此篇

為異日功勞玉奉

阿弟句為海軍曹氣吞寰海何雄豪風與五洲爭其
長欲造巨艦駕鯨濤十五年間如一日鞠躬奉職多
勤勞君今少我可五載頭髮斑斑見二毛曾在內閣
參機事論法究理分秋毫天子賞之以勲位煌煌
旭章賜金襴時遇革政身非職人間泰否誰能逃只
須善斂凌霄際會風雲重翔翱我來伊香試遊賞

願將山綠深同袍此間安心真良藥待君遠來酌
松醪連牀對話傷今昔有時拔劍風怒號起倚層樓
一長嘯赤城矗五蒼天高赤城山名

八月十九日日蝕午後二時大陽自右虧至四
時全既蝕暗黑如夜頃復故蓋百年一回有
之云因賦之

日中天無日驚呼人出庭暗黑同昏夜書空唯此
咫尺失入面山川視無形咄是何變驚地陰風腥
我登香峰頂凝望窺天廷瞬間光一射大陽如燭螢
五彩忽煥發雲色耀瓏玲已拂扶來木又浴咸池汀

一日晝夜二天鷄側耳聽久學天文法觀測之精靈
日是君之家久照麗天明百年猶既蝕君子慎常經
所以古之聖改過畏天刑

作臨瑞殉難之辰也

八月二十日祭弟小森澤政瑞殉難之墓

小序是日舊曆七月朔日乃當政瑞祭日余

偶寓伊香嘯雲樓茲修薄奠供野花新酒以

招魂戊辰之役政瑞奉藩至上杉侯命援東

軍在奥州岩城平憤東軍不振進勵隊共奮

戰自朝至午擊退強敵遂中銃死於陣年二

十九藩侯恤殉難賜祿五十石今已二十年矣

嘉嘆忠烈 以恤其後

丸作輝

有麻士等樹

恍如昨日因憶政瑞自幼讀書學劍十六甫

冒他姓及長馳馬操砲傍學詩及和歌曾從

藩侯于役江戸居櫻田邸三年自戊午至庚

申時方天下多事櫻田之變親自擊之能記

時事筆成萬言最妙尺牘有暇則往學蘆谷

安井門講修經史性溫厚不與人爭頗有老成

風之風所交益多名聲且著其歸國也事

姓而親艱難持家藩侯擢為記錄并補負編

纂米澤新史大有成績我兄弟中在為第一

有一男名忠吉今來叔父君王家勤學云

測術未法

出繼

嘯雲樓頭雲霧昏。白東遙招亡弟魂。魂兮欲來風颯
颯。山木無邊帶雨翻。舉杯拜跪薦薄奠。天寒日暮
啼哀猿。因憶戊辰當國難。誓抽丹心報主恩。兄弟四
人各奉命。我捧上書叩。天關一第若松一北越。江
率隊兵援東藩。此戰原要清君側。何知王師出錦藩。
白石連衡是私盟。東軍不振齊羊豚。汝自勵兵殊死
戰。奮鬪卻敵雷霆奔。自朝到午餐無暇。一身貫中砲
丸痕。汝軀已斃城忽陷。陰風慘澹巖平原。我主聞報
淚為下。賞功賜祿貽子孫。回頭倏忽二十載。當時成敗
向誰論。偶遊香山遇茲日。無端往事觸懷繁。曾從藩侯

役江戶。獻策時務多萬言。櫻田奇變親目擊。子裁尺
牘今尚存。餘力就儒修經史。師事宥陰與息軒。名聲
赫著文。廣語言雍雍。如春溫。况冒他姓養二老。辛
艱持家晚結婚。汝德當與古蹟比。汝風能使薄吏
敦。四兄弟中推第一。馬術劍法世所尊。米泔新史著
成卷。由來直筆無枉寃。噫汝沒世未三十。繼家有子
固基根。同宗賢叔愛佳姪。並慶忠孝聚一門。秋已
分。湛野酒炷香長拜。焚聲吞靈兮幸鄉。民敬此祭。
脣摘蕪詞代蕪藜。

八月三十一日復祀大八書信

自清國保定府發

詳報近况欣喜無量先是大八以四月十二日

疏海赴清國校蓮池書院掌教張廉卿先生之

門余紹以其子導岷君得入學田賦二篇

噫我老大無所為汝已英年遠求師渡海西入山燕
地負笈學道要及時張氏廉卿今偉人蓮池掌教育
羨奇令嗣導岷忘形友紹外托汝不相疑先生山斗
人瞻仰文宗周漢修古辭已許門前栽桃李憶汝昂
然揚秀眉如今東海水橫流子撐狂瀾果屬誰學問
由來責倫理汝日勉勗志不移賴汝顯揚非所願願
汝他年特達知巨鑿待叩叩即鳴鳴汝勿恨就師遲

自汝之去日遠思魚雁杳杳來何遲自與汝別六經
月忽接尺書我心夷報道黎君來秦蜀張公相邀肝
膽披汝與導岷同執謁談笑高堂對酒卮黎日子今
遠負笈子父舊好不我欺子能若業久有得他年顯
揚果可知張日子父未識面人已忠厚見其詩况與
肥沉定莫逆我今視子均視岷情深義重感何極喜
自中來不自持卷舒百回如面晤讀之令我忘別離
蔬齋經濟一時傑廉卿德行百世師汝生何辜事二
老諄諄教誨皆箴規文章不朽經國業經史總是立
身基噫汝孜孜勗勗慎莫成山一箕虧

香山容舍寄贈春臥伊蘇大臣夏島別業此夕


屬舊曆七月望明月在山秋氣繁入賦二律

得意烟波雲水間相公居似野人閑
虛軒臨海能容衆直道經邦豈說艱
裴度築堂思練野謝安對局臥

東山蓬萊咫尺塵隔却是君家銷夏灣
豪氣銷磨舌尚存長裾無意曳朱門
憑君偶幸陳微力笑我曾顛呈五言
老驥常懷千里志饑鷄久待一呼恩
香山今夜秋風冷碧海遙招明月寬

余寓伊香殆將三旬宿病離體元氣漸復因賦之
漫吟閣筆云

自入山來詩思催人間百事總皆灰
無日山中不閑適除眠與食唯酒杯
一年三百六十日憂患病苦多悲哀
有何樂事保身生唯須九夏避炎埃
儒術修來無用世周孔之道安在哉
素餐徒費太倉米元知我無經國才
天意如何生此愚自顧自笑還自猜
五尺形軀眇耳老氣恃何欲宏恢
青山相對不相語白雪無心去
又來自今須賦招隱篇
山家酒熟桂花開



宮島文藏
宮島文藏
宮島文藏

